

Školski odbor

Broj:01-1-7-442/26

Sarajevo, 13. 04. 2026. godine

Na osnovu člana 108. stav (2) tačka a) i člana 109. Zakona o odgoju i obrazovanju u osnovnoj i srednjoj školi u Kantonu Sarajevo („Službene novine Kantona Sarajevo“, broj 27/24), člana 8. st. (3), (4) i (5) Pravilnika o izboru, imenovanju i razrješenju direktora osnovnih škola Kantona Sarajevo („Službene novine Kantona Sarajevo“, br. 2/18, 32/18 i 30/19), u postupku izbora direktora po Javnom konkursu, a na pisani prijedlog/stav ministrice za odgoj i obrazovanje Kantona Sarajevo (broj: 11-06/01-04-57412-6/26, od 06. 03. 2026. godine), načelnika Općine Centar (broj:13/34-54/26, od 10. 3. 2026. godine) i rezultata glasanja Vijeća roditelja (broj: 06-10-320/26, od 09. 03. 2026. godine) i radnika škole (broj: 06-10-321/26, od 09. 03. 2026. godine), **Školski odbor JU OŠ "Vladislav Skarić" Sarajevo, na svojoj XLVII sjednici održanoj 13. 04. 2026. godine, jednoglasno, donosi**

ODLUKU

O IZBORU KANDIDATA ZA IMENOVANJE DIREKTORA JAVNE USTANOVE OSNOVNA ŠKOLA "VLADISLAV SKARIĆ" SARAJEVO

Član 1.

(Izbor kandidata)

Kandidatkinja Alica Iblizović-Zubović, profesor razredne nastave, izabrana je za imenovanje direktorice Javne ustanove Osnovna škola „Vladislav Skarić“ Sarajevo, po Javnom konkursu za izbor direktora/direktorice JU Osnovna škola „Vladislav Skarić“ Sarajevo, objavljen 09. 02. 2026. godine.

Član 2.

(Prijedlog)

Školski odbor predlaže izabranu kandidatkinju iz člana 1. ove odluke, a koja ispunjava zakonske uvjete i uvjete Javnog konkursa, za imenovanje direktorice JU OŠ „Vladislav Skarić“ Sarajevo, na mandatni period od četiri godine (počev od prestanka trenutnog mandata direktora JU Osnovna škola "Vladislav Skarić", Sarajevo, shodno Javnom konkursu iz člana 1. ove odluke), te ovu odluku s kompletnom dokumentacijom, blagovremeno, putem Ministarstva za odgoj i obrazovanje Kantona Sarajevo dostavlja Vladi Kantona Sarajevo na dalje odlučivanje radi pribavljanja saglasnosti, shodno članu 10. stav (3) Pravilnika o izboru, imenovanju i razrješenju direktora osnovnih škola Kantona Sarajevo („Službene novine Kantona Sarajevo“, br. 2/18, 32/18 i 30/19).

Član 3.

(Stupanje na snagu)

Ova odluka stupa na snagu danom donošenja.

Obrazloženje

Školski odbor Javne ustanove Osnovna škola „Vladislav Skarić“ Sarajevo (u daljem tekstu: Škola) je shodno Zakonu, podzakonskim i općim aktima Škole, donio *Odluku o raspisivanju Javnog konkursa za izbor direktora/direktorice JU Osnovna škola „Vladislav Skarić“ Sarajevo, broj:01-1-7-192/26, od 05. 02. 2026. godine.* Konkurs je raspisan i objavljen 09. 02. 2026. godine u dnevnom listu „Oslobođenje“ i na službenoj internet stranici Ministarstva za odgoj i obrazovanje Kantona Sarajevo.


Komisija koja provodi proceduru koja prethodi proceduri izbora i imenovanja direktora/direktorice JU OŠ „Vladislav Skarić“, Sarajevo (Odluka Školskog odbora o imenovanju, broj: 01-1-7-1021/25, od 11. 12. 2025. godine; u daljem tekstu: Komisija), po izvršenim obavezama shodno članu 3. stav (3) Pravilnika o izboru, imenovanju i razrješenju direktora osnovnih škola Kantona Sarajevo („Službene novine Kantona Sarajevo“, br. 2/18, 32/18 i 30/19; u daljem tekstu: Pravilnik), dostavila je Školskom odboru Izvještaj o radu Komisije, broj: 06-10-404/26, od 27. 03. 2026. godine (u daljem tekstu: Izvještaj).

Komisija je blagovremeno dostavila Prijavu 27. 02. 2026. godine i 03. 03. 2026. godine (dopuna dokumentacije), na osnovu prethodno utvrđenih činjenica da se na konkurs prijavila jedna kandidatkinja Alica Iblizović-Zubović, profesor razredne nastave, da je prijava imenovane kandidatkinje blagovremena i potpuna, odnosno da sadrži konkursom traženu dokumentaciju, (s dokumentacijom) imenovane kandidatkinje koja ispunjava uvjete za direktora/direktoricu, *ministrici* za odgoj i obrazovanje Kantona Sarajevo (u daljem tekstu: ministrica) i *načelniku* Općine Centar (u daljem tekstu: načelnik), a *predsjedniku Vijeća roditelja Škole i povjereniku sindikalne podružnice* Samostalnog sindikata osnovnog obrazovanja i odgoja Federacije Bosne i Hercegovine - Kantonalni odbor Kantona Sarajevo, 03. 03. 2026. godine, na dalju proceduru shodno članu 3. stav (3) Pravilnika.

Procedura propisana članom 8. Pravilnika nalaže školskom odboru donošenje odluke o izboru kandidata za imenovanje direktora većinom od ukupnog broja članova, što podrazumijeva da sva četiri člana trebaju biti imenovana. Shodno činjenici da je Vlada Kantona Sarajevo Rješenjem, broj:02-04-8597-20.4/25, od 13. 03. 2025. godine, razriješila dužnosti člana Školskog odbora Javne ustanove Osnovna škola "Vladislav Skarić" Sarajevo, predstavnika Općine Centar, na lični zahtjev, te da je bilo u proceduri imenovanje vršioca dužnosti člana Školskog odbora, predstavnika Općine Centar, to je ministrica za odgoj i obrazovanje Kantona Sarajevo donijela Zaključak, broj:11-06/01-04-57412-7/26, od 06. 03. 2026. godine, o obustavljanju naprijed navedene procedure zbog nemogućnosti donošenja odluke o izboru direktora od strane Školskog odbora Javne ustanove Osnovna škola "Vladislav Skarić" Sarajevo, u skladu sa članom 8. Pravilnika. Dana 01. 04. 2026. godine dostavljano je Rješenje Vlade Kantona Sarajevo o imenovanju vršioca dužnosti člana Školskog odbora Javne ustanove Osnovna škola "Vladislav Skarić" Sarajevo, predstavnika Općine Centar Sarajevo, broj:02-04-9183-25/26, čime je ispunjen uvjet da su sve četiri strukture koje čine Školski odbor imenovane i da mogu ravnopravno učestvovati u donošenju odluke o izboru direktora škole, to je dostavljen od strane ministrice za odgoj i obrazovanje Kantona Sarajevo Zaključak, broj: 11-06/01-04-57412-11/26, od 30. 03. 2026. godine (kojim se stavlja van snage Zaključak, broj:11-06/01-04-57412-7/26, od 06. 03. 2026. godine, o obustavljanju procedure po Javnom konkursu za izbor direktora/direktorice Javne ustanove Osnovna škola "Vladislav Skarić" Sarajevo) i Odluka, broj: 11-06/01-04-57412-10/26, od 30. 03. 2026. godine (o nastavku procedure po naprijed navedenom Javnom konkursu).

Procedura izbora direktora od strane Vijeća roditelja i od strane radnika škole provedena je na način propisan čl. 5. i 6. Pravilnika, isti dan, te je Školskom odboru, shodno članu 8. stav (2) Pravilnika, blagovremeno 09. 03. 2026. godine, na propisanom obrascu dostavljen Zapisnik o konačnim rezultatima glasanja vijeća roditelja učenika škole za izbor direktora škole (Obrazac 1), broj: 06-10-320/26, od 09. 03. 2026. godine, s popratnom dokumentacijom i Zapisnik o konačnim rezultatima glasanja radnika škole za izbor direktora škole (Obrazac 2), broj: 06-10-321/26, od 09. 03. 2026. godine, takođe s popratnom dokumentacijom proisteklom tokom procedure izbora. *Za direktora škole (predložen/a) izabrana je Alica Iblizović-Zubović sa 83,82 % glasova radnika škole i 82,35 % glasova Vijeća roditelja učenika Škole (rezultati glasanja). Pisane prijedloge/stavove kandidata da se za direktora Škole imenuje Alica Iblizović-Zubović, ministrica i načelnik dostavili su Školskom odboru, 18. 03. 2026. godine putem Prijedloga kandidata za direktora od strane ministrice, broj: 11-06/01-04-57412-6/26, od 06. 03. 2026. godine, te 30. 3. 2026. godine putem Stava načelnika, broj: 13-34-54/26, od 10. 3. 2026. godine, shodno članu 8. stav (1) Pravilnika.*

Za članove Školskog odbora iz reda radnika i roditelja obavezujući su rezultati glasanja sa izborne sjednice radnika Škole i izborne sjednice Vijeća, a za članove Školskog odbora - predstavnika Ministarstva i predstavnika Općine Centar obavezujući su dostavljeni pisani prijedlozi/stavovi kandidata za direktora (član 109. stav (13) Zakona i član 8. stav (5) Pravilnika), to je Školski odbor blagovremeno (član 8. stav (3) Pravilnika) na osnovu Zakona, podzakonskih i općih akata Škole, te naprijed navedenog, na XLVII sjednici, glasao po datim prijedlozima, potvrdio verifikaciju aktom broj: 01-1-7-442-1/26 od 13. 04. 2026. godine, te jednoglasno odlučio kao u dispozitivu.



**PREDSJEDNIK
ŠKOLSKOG ODBORA**

Amir Salihović
Amir Salihović, prof.

Dostaviti:

1. Vlada Kantona Sarajevo
(putem Ministarstva za odgoj i obrazovanje Kantona Sarajevo).
2. Oglasna ploča i web stranica Škole.
3. A/A.